



N°8067
Entrée le 05.06.2023
Chambre des Députés
Déclarée recevable
Président de la Chambre des Députés
(s.) Fernand Etgen
Luxembourg, le 05.06.2023

Groupe parlementaire

Här Fernand Etgen
President vun der Deputéiertechamber
19, um Krautmaart
L-1728 Lëtzebuerg

Tratten, de 5. Juni 2023

Här President,

esou wéi d'Chambersreglement et virgesäit, bieden ech lech, dës parlamentaresch Fro un d'Madamm Finanzminister an un den Här Minister fir ëffentlech Aarbechte weiderzeleeden.

Op meng Fro mat der Nummer 3772 vum 4. Mäerz 2021 betreffend den Antoniushaff an der Gemeng Wëntger gouf mir Folgendes geäntwert:

„Ee genauen zäitleche Kader fir d'Ëmsetzung vun engem konkrete Projet gëtt et aktuell nach net. D'ANF an de Ministère fir Ëmwelt, Klima an nohalteg Entwécklung hunn de Ministère fir Mobilitéit an ëffentlech Aarbechten iwwert de Projet informéiert an dobäi och éischt Elementer en vue vun der Conception geliwwert.

Am Moment leeft d'Ufrop vu Säite vun der ANF fir eng Naturschutzgeneemegung. Op Basis vun dëser kann eréischt een definitive Projet entworfen ginn. Et gëtt domat gerechent dass mam Bau an de nächsten 1 bis 2 Joer kann ugefaang ginn“.

Allerdéngs muss een haut feststellen, datt d'Aarbechten nach net ugefaangen hunn.

An dësem Kontext hätt ech folgend Froen un d'Regierung:

1. Wéi wäit ass dëse Projet vun der ANF fortgeschratt oder gëtt et an der Tëschenzäit een neie Projet?
2. A wéi engem zäitleche Kader kann elo mat der Ëmsetzung vun dësem Projet gerechent ginn?

Mat déiwem Respekt,

Jeff Engelen
Deputéierten